

# BERUSGARI INCÚRENS

Désk Gaid: BI Fáida Ókkol arde Forér Tobka Ókkol Ólla Dorháas Goró



## ➔ Kiyólla añártú dorháas gorónsa?

- Tuñí hamsára óiyo dé foila háftat yá hoiyek góndha ham goróddé foila háftat Berusgari Incúrens (BI) or fáidalla dorháas goró.

## ➔ Onlain Dorháas Goribólla añi zaiyom dé hoçé?

- [my.unemployment.wisconsin.gov](https://my.unemployment.wisconsin.gov)

Dorháas or karwaiyi gan tokoriban 30 óttú 40 minít lage. Tuñí muúmmíkka uzai góijjo dé ham oré seévgorí fore mukommol gorí faribá.

## ➔ Onlain dorháas góitte añártú ki lagibó dé?

- Ekkán estemalgoróyar nam arde pasward.
  - Zodi tuñí age zoma nógoró dé óile, tuáñrtú onlain hédmot ókkol estemal or ejazot doón nán zoruri óibo.
    - Tobka yian or híssa hisafe onor forisoi tosdikgora zorurot oit fare. Zodi onor forisoi tosdikgora zorurot oile, onor forisoi tosdik no oó foijjonto one arosnama ekkán dahelgori no fariba.
- Ekkán sóiyi íméil thíkana yá mubáil fún nombór.
- Tuáñr ehónor thíkana.
- Tuáñr cómazí héfazot nombór.
- Tuáñr "Wisconsin" draivar laisen yá forisogorár nombór (zodi táke).
- Gelde 18 mac or tuáñr ham or tuarik lói órdua:
  - Hamdouyar harbar or nam ókkol.
  - Hamdouyar thíkana ókkol(zip kud órdua loi).
  - Hamdouyar fún nombór.
  - Fótti hamdouyar fúañtí ham or foila ar ahéri tarík ókkol.
  - Fótti hamdouya loi arham nogorár waja.
- Zodi tuñí ekzon U.S decóitta **noói** dé óile, tuáñr bidecóittar rejistri nombór, dokumém nombór, ar miyat fúraibó dé tarík.
- Zodi tuñí gelde 18 mac fóijjonto meletérir ham góijjo dé óile, Fórom DD-214 (BI dabidar or hátboi ót soó)
- Zodi tuñí ekzon féderel sivílien hamgorouya óile, Fórom SF-50 yá SF-8.
- Zodi tuñí ekzon union membór óile, nam arde tuáñr union hóol or mokami nombór.
- Zodi tuñí BI fáida ré daárik dipozít lói faito soó dé óile, tuáñr beéng or routing nombór arde tuáñr ekoun nombór.

## ➔ Añí dorháas gorár baade ayérde tobka gín kiki?

- Tuáñr dabidawa cúrugorá óldé foilar tobka. Thaiñ faibólla, tuñí <https://my.unemployment.wisconsin.gov> ót hamsára dé yian **tuáñrtú hámaká háftalla uggwá háftayi dabidawa fáil gorá foribó.**
- **Zodi tuáñrtú ham ólla doftór gorár zorurot óile**, BI fáidalla tuñí tuáñr dorháas mukommol góijjo dé tarík óttu 14 din or bútor tuáñrtú hámaká doftór yáni rejistar goráforibó. Aró maalumat ólla **úlða dák ót soó.** **Tuáñré BI fáida diya nozaibó zotókkon fóijjonto tuñí doftór gorá arde tuáñr foriso boiyan nama mukommol nóo goró.**
- Tuár dabidawar baabote taza maalumat faibólla tuáñr Añár BI Cúrrur sábbat **my.unemployment.wisconsin.gov** ót cék goró. Daárik depozít ólla tuñí aró saing up gorífaribá, tuáñr tex haçi ráikke dé yian apdéit goró, amodoni sóiyi né cék goribór moksót ókkol ólla diya giyé dé fáida ókkol or ekkán ofisór húlasá sábai rakó.

# WISCONSIN HAM OR HÉDMOT

## Ham ólla Laazimi Rejistrécén



Zodi tuáñrtú ham ólla doftór gorár zorurot óile, BI fáidalla tuñí tuáñr dorháas mukommol góijjo dé tarík óttu 14 din or bútor tuáñrtú hámaká doftór yáni rejisthar goráforibó.

### ➔ Rejisthar goribólla añí zai yom de hoçé?

- [JobCenterofWisconsin.com/ui](https://JobCenterofWisconsin.com/ui)

### ➔ Añí ki úoi logon estemal gorí fáijjoúm zibá añí berusgarir dorháas goribólla estemal góijjí lám?

- Jí, faribá.

### ➔ Rejisthar góitté ar foriso boiyan nama mukommol góitté añártú hotókkon thaim lagonsá?

- Rejisthar góitté tokoriban 15 minit ar ekkán foriso boiyan nama mukommol góitté tokoriban 45 óttu 60 minit.

### ➔ Añártú rejisthar arde ekkán foriso boiyan nama mukommol gorá kiyólla zorurot de?

Cómazi Héfazot or Nombór.

Zonom Tarík.

Uggwá sóiyi íméil tikana

Tuáñr ehonor foriso boiyan nama, yá:

Gelde 10 bosór or tuáñr ókkol hamdouyar nam arde thíkana ókkol, fótti hamdouyalla cúru arde ahéri tarík, ar tuáñr ham or zímma ókkol.

Tuñí fonna fójjo dé eskul or nam arde faiyó dé digri ókkol.

Tuáñr Fecáwari Húlasá, ziyané tuáñr tojúrbar húlasá goré ar tuáñr fisórmónzor or ciz ókkol ore tulídóre ziyán tuáñr hamdouyattú foórái záitffare.

Tuáñrtú asé dé eskil ókkol liís.

### ➔ Añí zorurot ókkol furá gorifélaíyi dé yian keéngorí záinnom?

- Tuñí kaamiabír sáñté foriso boiyan nama mukommol goróon or baade ekkán méséj uçi áibó; tuáñré aró ekkán fákka-fákkir íméil foñósáibó.
- Tuñí aró tuáñr ehonor hálot oré "My JCW Dashboard" ót cék gorí faribá.

DWD uggwá fúáinna moukar hamdouya ar hédmot douya. Zodi tuáñrtú honó ekkán mázur táke ar emaalumat loi modot laár de óile, "Wisconsin Relay" Hédmot ólla meérbánigori 7-1-1 ót dail goró. Meérbánigori Berusgari Incúrens Divicén ót (414) 435-7069 loi yá toll-free asé dé (844) 910-3661 loi taaluk goró taaké oinno zuban ót báinga cámil asé dé oinnocokól ót maalumát ólla aros gorítfáro.

"Americar Job Center" network or ek fohór patnar

**BI fáida ókkol ólla onlain ót dorháas gorár baabote aró maalumát ólla úlda dák ót**